



## **ACTA DA SESIÓN EXTRAORDINARIA REALIZADA POLO PLENO MUNICIPAL EN DATA 21 DE ABRIL DE 2025**

No salón de sesións da casa consistorial do Concello de Cambre, sendo as once horas do día vinte e un de abril de dous mil vinte e cinco, e logo da oportuna convocatoria con especificación da orde do día a tratar, réunese o Pleno municipal en sesión extraordinaria en primeira convocatoria.

Preside a sesión o Sr. alcalde en funcións, don Juan González Leirós, ata a toma de posesión da alcaldesa, presidindo esta a sesión a partires de entón, e asisten:

### **Polo grupo municipal de UxC:**

D.<sup>a</sup> MARÍA DOLORES PAN LESTA  
D. DANIEL MALLO CASTRO  
D.<sup>a</sup> MARÍA CARMEN PAN MATOS  
D. RAMÓN BOGA MOSCOSO  
D.<sup>a</sup> MARÍA YOLANDA DÍAZ BALDOMIR  
D. ÓSCAR TOMÁS BARRIENTOS MORALES

### **Polo grupo municipal do PP:**

D.<sup>a</sup> DIANA PIÑEIRO FERNÁNDEZ  
D.<sup>a</sup> PATRICIA ESTHER ESPÍNEIRA GALÁN  
D. RUBÉN VÁZQUEZ PÉREZ  
D. OMAR GONZALO LAMELA VÁZQUEZ

### **Polo grupo municipal do PSdeG-PSOE:**

D. DIEGO ALCANTARILLA REI  
D.<sup>a</sup> MARÍA MERCEDES PRIETO LAMAS  
D.<sup>a</sup> PATRICIA MARÍA PARCERO QUIÑOY  
D.<sup>a</sup> ANA RODRÍGUEZ LÓPEZ

### **Polo grupo municipal do BNG:**

D. DANIEL CARBALLADA RODRÍGUEZ  
D.<sup>a</sup> MARÍA TERESA PRIETO MIRAMONTES  
D.<sup>a</sup> NIEVES LOURO LÓPEZ

### **Polo grupo municipal do AV:**

D. RAÚL VARELA FRAGUÍO  
D. MANUEL CASTRO UZAL

### **Concelleira non adscrita:**

D.<sup>a</sup> MARÍA ELENA LAUDA FERNÁNDEZ

Asiste á sesión a interventora municipal, D.<sup>a</sup> Lucía Mata Rodríguez, e dá fe do acto a secretaria xeral, D.<sup>a</sup> Pilar María Pastor Novo.

Segundo establece o artigo 130.1 do Regulamento orgánico municipal, no Concello de Cambre as actas do pleno municipal adoptan o sistema de videoactas.



De acordo co previsto no artigo 130.2, apartado 1º do citado texto normativo, o presente documento correspóndese coa acta sucinta da sesión extraordinaria do Pleno municipal do día 21 de maio de 2025, que xunto coa gravación dispoñible no enderezo electrónico <http://plenos.cambre.es> (ID: Video\_202504210900040000\_FH), constitúe o documento público e oficial de videoacta desta sesión.

Faise constar que en cada punto da orde do día desta acta sucinta, inclúese a referencia temporal do comezo da gravación do dito punto, isto co fin de facilitar a súa localización.

A Presidencia, tras comprobar nos termos expostos que se dá o quórum legalmente esixido polo artigo 106 do Regulamento orgánico municipal para a válida celebración das sesións plenarias, declara aberta esta sesión, pasándose ao estudo e exame do asunto incluído na orde do día da convocatoria.

### **ÚNICO. ELECCIÓN DE ALCALDE/SA**

A continuación, con permiso da Presidencia, intervén a Sra. secretaria e dá lectura aos artigos 196 e 198 da Lei orgánica 5/1985, do 19 de xuño, do réxime electoral xeral; e explica que, de conformidade coa doutrina da Xunta Electoral Central, no caso de que un cabeza de lista manifeste que non desexa ser candidato, preguntárase ao seguinte e así sucesivamente co resto dos integrantes da lista.

Seguidamente intervén o Sr. Presidente e manifesta que os/a concelleiros/a que encabezan as correspondentes listas, logo da renuncia de María Dolores Pan Lesta, son os/as seguintes:

- D. Daniel Mallo Castro, de Unión por Cambre
- D.<sup>a</sup> Diana Piñeiro Fernández, do Partido Popular
- D. Diego Alcantarilla Rei, do Partido dos Socialistas de Galicia-PSOE
- D. Daniel Carballada Rodríguez, do Bloque Nacionalista Galego
- D. Raúl Varela Fraguío, de Alternativa dos Veciños

e pregunta que concelleiros/a dos que encabezan as listas presentan a súa candidatura, contestando afirmativamente: D.<sup>a</sup> Diana Piñeiro Fernández (PP), D. Diego Alcantarilla Rei (PSdeG-PSOE) e D. Raúl Varela Fraguío (AV) e manifestan que non presentan candidatura D. Daniel Mallo Castro (UxC) e D. Daniel Carballada Rodríguez (BNG).

Ante a renuncia dos números 1 das listas de UxC e BNG pregúntase aos restantes integrantes das ditas listas se presentan candidatura, ao que responden en sentido negativo.

De seguido intervén o Sr. presidente e manifesta que oídas as respostas son proclamados/a candidatos/a ao cargo de alcalde/sa do Concello de Cambre os/a seguintes:

- D.<sup>a</sup> Diana Piñeiro Fernández, do PP
- D. Diego Alcantarilla Rei, do PSdeG-PSOE
- D. Raúl Varela Fraguío, de AV

A continuación, polo Sr. presidente proponse que o sistema de votación para a elección de alcalde/sa sexa a votación nominal e somete a votación ordinaria a proposta, que é aprobada por unanimidade.

Seguidamente, a Sra. secretaria procede ao chamamento dos/as concelleiros/as por orde alfabético de apelidos, nomeando en último lugar ao Sr. presidente, co seguinte resultado:



### Relación de concelleiros/as

Diego Alcantarilla Rei  
Óscar Tomás Barrientos Morales  
Ramón Boga Moscoso  
Daniel Carballada Rodríguez  
Manuel Castro Uzal  
María Yolanda Díaz Baldomir  
Patricia Esther Espiñeira Galán  
Omar Gonzalo Lamela Vázquez  
María Elena Lauda Fernández  
Nieves Louro López  
Daniel Mallo Castro  
María Dolores Pan Lesta  
María Carmen Pan Matos  
Patricia María Parceró Quiñoy  
Diana Piñeiro Fernández  
María Mercedes Prieto Lamas  
María Teresa Prieto Miramontes  
Ana Rodríguez López  
Raúl Varela Fraguío  
Rubén Vázquez Pérez  
Juan González Leirós

### Sentido do seu voto

Diego Alcantarilla Rei  
Abstención  
Abstención  
Diego Alcantarilla Rei  
Raúl Varela Fraguío  
Abstención  
Diana Piñeiro Fernández  
Diana Piñeiro Fernández  
Abstención  
Diego Alcantarilla Rei  
Abstención  
Abstención  
Abstención  
Diego Alcantarilla Rei  
Diana Piñeiro Fernández  
Diego Alcantarilla Rei  
Diego Alcantarilla Rei  
Diego Alcantarilla Rei  
Raúl Varela Fraguío  
Diana Piñeiro Fernández  
Abstención

A Sra. secretaria informa que, á vista do resultado da votación (7 votos a prol de D. Diego Alcantarilla Rei ; 4 votos a prol de D.<sup>a</sup> Diana Piñeiro Fernández; 2 votos a prol de D. Raúl Varela Fraguío; e 8 abstencións), ningún dos candidatos obtén a maioría absoluta, polo que correspondería proclamar electo ao candidato da lista máis votada, que segundo a acta de proclamación de electos de data 4 de xuño de 2023 remitida pola Xunta Electoral de Zona sería a lista de Unión por Cambre. Di que, non obstante, ao ter renunciado a presentar candidatura todos os membros da dita lista, corresponde proclamar electa á candidata da seguinte lista máis votada, que de acordo coa referida acta de proclamación de electos é a o do Partido Popular, polo que corresponde proclamar electa á candidata D.<sup>a</sup> Diana Piñeiro Fernández.

Seguidamente, á vista do resultado da votación, o Sr. presidente proclama alcaldesa do Concello de Cambre á candidata da lista electoral do PP, D.<sup>a</sup> Diana Piñeiro Fernández, e pregúntalle se acepta o cargo de alcaldesa do Concello de Cambre, ao que a Sra. Piñeiro Fernández responde que si. O Sr. presidente invítalle a que preste xuramento ou promesa de acatamento á Constitución.

D.<sup>a</sup> Diana Piñeiro Fernández presta xuramento de acordo coa fórmula establecida polo Real decreto 707/1979, do 5 de abril, manifestando que xura pola súa conciencia e honra cumprir fielmente as obrigas do cargo de alcaldesa do Concello de Cambre, con lealdade ao Rei, e gardar e facer gardar a Constitución como norma fundamental do Estado.



O Sr. presidente declara que cumprimentada a promesa de acatamento á Constitución, queda posesionada do cargo de alcaldesa do Concello de Cambre D.<sup>a</sup> Diana Piñeiro Fernández, entregándolle o bastón de mando, como símbolo das atribucións propias do cargo, ocupando de seguido a cadeira presidencial a Sra. Piñeiro Fernández e abandonando o Sr. González Leirós a presidencia, e ocupando o seu escano.

Acto seguido a nova alcaldesa dirixe unhas palabras a todos os presentes.

A continuación interveñen a Sra. Pan Lesta, o Sr. Alcantarilla Rei, o Sr. Carballada Rodríguez e o Sr. Varela Fraguío.

E non existindo máis asuntos dos que tratar, a Presidencia levanta a sesión, sendo as once horas e vinte e tres minutos do mencionado día, redactándose de todo iso a presente acta do que eu, secretaria, dou fe.

Vº e praxe  
A presidenta  
(Asinada dixitalmente)  
Diana Piñeiro Fernández

A secretaria xeral  
(Asinada dixitalmente)  
Pilar María Pastor Novo